

**Generalno tajništvo Vijeća ministara Bosne i Hercegovine**, Trg Bosne i Hercegovine broj 1, 71000 Sarajevo, kojeg zastupa generalni tajnik Robert Vidović (u daljem tekstu: Ugovorni organ)

i

**LANACO d.o.o.**, Veljka Mladenovića bb, 78000 Banja Luka, kojeg zastupa direktor Nebojša Ninić, (u daljem tekstu Ponuđač)

## **U G O V O R**

**o isporuci licenci za sistem za zaštitu elektronske pošte korisnika sistema „e-vlade“ u Vijeću ministara BiH**

### **Član 1.**

Ugovorne strane saglasno utvrđuju da je Ponuđač *LANACO d.o.o., Veljka Mladenovića bb, 78000 Banja Luka*, odabran kao najpovoljniji ponuđač za isporuku **licenci za sistem za zaštitu elektronske pošte korisnika sistema e-vlade u Vijeću ministara BiH**, a na osnovu Otvorenog postupka za dostavu ponuda za nabavku licenci za sistem za zaštitu elektronske pošte korisnika sistema e-vlade, broj: 06-16-3-857-2/24 od 03.04.2024. godine.

### **Član 2.**

Ukupna cijena ponude na godišnjem nivou, bez poreza na dodanu vrijednost, iznosi 68.376,00KM (slovima: šezdesetosamhiljadatristotinesedamdesetišestKM), a sa uračunatim porezom na dodatnu vrijednost iznosi **79.999,92KM** (slovima: sedamdesetidevehiljadaidevetstotinadevedesetidevet i 92/100KM).

### **Član 3.**

Ponuđač usluga je saglasan da prema potrebi i zahtjevu Ugovornog organa pruža usluge koje su predmet ovog ugovora, u skladu sa odredbama provedenog postupka nabavke usluga koje su predmetom ovog Ugovora i ponude iz člana 1. ovog Ugovora.

### **Član 4.**

Ponuđač se obavezuje na nepromjenljivost ponuđenih cijena, osim u slučajevima promjene cijena vezanih za zakonske obaveze, o kojima je dužan odmah, pismeno izvijestiti Ugovorni organ.

### **Član 5.**

Ugovorni organ će platiti fakturu za uredno izvršene usluge, u roku od 15 (petnaest) dana od dana potpisivanja Primopredajnog zaspisnika od strane ovlaštene osobe ugovornog organa koji će sadržavati kvalitativni i kantitativni prijem usluga. Ponuđač će ispostaviti fakturu u KM (konvertibilnim markama).

### **Član 6.**

Ponuđač se obavezuje da izvrši isporuku iz ovog Ugovora u roku od 30 dana od dana potpisivanja Ugovora.

## Član 7.

Ponuđač se obavezuje da će u toku trajanja ovog ugovora osigurati:

- Licence treba da važe 1 godinu i omoguće ispravno funkcionisanje navedenih sigurnosnih funkcionalnosti;
- Licence treba da aktiviraju zaštitu za 2000 korisnika;
- Licence moraju biti aktivne na oba uređaja istovremeno;
- Licence uključuju sljedeće komponente: anti spam, anti virus zaštitu i zaštitu od novonastalih prijetnji (*outbrake filters*) korištenjem tehnika karantiniranja email-a i prepisivanja URL-ova u tijelu email poruka;
- Licence dodatno uključuju povezivanje email sistema u klaster i centralizovano upravljanje email sigurnosnim sistemom;
- Neophodno je isporučiti i instalirati tražene licence fizički u prostorijama Savjeta Ministara BiH;
- Kako za fizički uređaj Cisco ESA C390, nije moguće osigurati dugoročnu podršku proizvođača, zbog konačnog isteka podrške zaključno sa 30.06.2024. godine, neophodno je planirati i implementirati virtuelni appliance na postojećoj hardverskoj infrastrukturi Ugovornog organa. U tom smislu, Ponuđač treba izvršiti sve neophodne radnje, kako bi se i nakon isteka podrške za uređaj Cisco ESA C390 osigurala visoka dostupnost ovog kritičnog servisa.
- Predložiti poboljšanja po pitanju efikasnosti rada i sigurnosti;
- Identifikovati kritične sigurnosne incidente u prethodnoj godini i prikazati ih u vidu izvještaja;
- Izvršiti ažuriranje softvera uređaja na posljednju preporučenu verziju;
- Izvršiti promjenu konfiguracije ostalih mrežnih uređaja kako bi se zadovoljilo prethodnom zahtjevu (Fortinet firewall klaster, Cisco svičing sistem). Ovi radovi uključuju rutiranje kroz internu mrežu, podešavanje access lista, NAT mapiranja, podešavanje sigurnosnih politika;
- Izvršiti testiranje ispravnosti rada email sigurnosnog sistema nakon izvršenih radova;

## Član 8.

Ponuđač je dužan da osigura Garanciju i podrška:

- Podrška od strane proizvođača opreme, 8 časova u toku radne nedelje - trajanje 1 godina, za jedan uređaj – Cisco ESA C395,
- Podrška proizvođača u trajanju od 1 godine na nove verzije softvera,
- Pristup bazi znanja proizvođača i *online* dokumentaciji – trajanje 1 godina.

## Član 9.

Ugovor stupa na snagu od momenta kada ga potpišu obje ugovorne strane i važi godinu dana od dana potpisivanja.

#### Član 10.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.

#### Član 11.

Ugovorne strane su saglasne da sve eventualne nesuglasice rješavaju sporazumno, a ukoliko to nije moguće nadležan je Sud Bosne i Hercegovine.

Za pitanja koja se pojave tokom realizacije a nisu regulirana Ugovorom primjenjuju se odredbe Zakona o obligacionim odnosima.

#### Član 12.

Ugovorne strane su saglasne da Pružatelj usluga nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

#### Član 13.

Ovaj ugovor je sačinjen u pet istovjetnih primjeraka, dva za Ponuđača, dva za Ugovornog organa i jedan za Pravobranilaštvo BiH.

#### Član 14.

Ugovorne stranke su saglasne da su ovaj Ugovor pročitale i razumjele, te ga u znak saglasnosti potpisuju.



Broj UG-33-1150/24

Banja Luka, 30.05.2024. god.

**UGOVORNI ORGAN**  
**GENERALNI SEKRETARIJAT**  
**VIJEĆA MINISTARA BIH**

Broj: 06-16-3-857- 11/24

Sarajevo, 24.05.2024. god.

N-d.

